

UNIVERZITET U SARAJEVU – ŠUMARSKI FAKULTET

POSLOVNIK O RADU

KOMISIJE ZA IZBOR U AKADEMSKO ZVANJE

Asistent za naučnu oblast „Zaštita šuma i lovno gospodarenje“

Sarajevo, 2024. godine

Na osnovu člana 123. stav (8) Zakona o visokom obrazovanju („Službene novine Kantona Sarajevo“ broj 36/22) i člana 256. stav (1) Statuta Univerziteta u Sarajevu, a po osnovu Konkursa za izbor saradnika u zvanju asistent za naučnu oblast „Zaštita šuma i lovno gospodarenje“ na Univerzitetu u Sarajevu – Šumarski fakultet raspisanog 7. 6. 2024. godine i Odluke Vijeća Fakulteta o imenovanju komisije za pripremanje prijedloga i izvještaja za izbor jednog saradnika u zvanju asistent, puno radno vrijeme br. 01/6-2881/24 od 4. 7. 2024. godine, Komisija na konstituirajućoj sjednici održanoj 12. 7. 2024. godine donosi

POSLOVNIK O RADU

KOMISIJE ZA IZBOR U AKADEMSKO ZVANJE

Asistent za naučnu oblast „Zaštita šuma i lovno gospodarenje“

I - OPĆE ODREDBE

Član 1

(Predmet Poslovnika)

- (1) Ovim Poslovníkom se bliže uređuju nadležnosti, način rada i druga pitanja od značaja za rad Komisije za provođenje Konkursa za izbor u akademsko zvanje asistent, I izvršilac s punim radnim vremenom, za naučnu oblast „Zaštita šuma i lovno gospodarenje“ (u daljem tekstu Komisija).
- (2) Poslovnik o radu se donosi na konstituirajućoj sjednici Komisije.

Član 2.

(Načela)

Rad Komisije se zasniva na načelima nezavisnosti, nepristrasnosti, javnosti i zakonitosti.

Član 3.

(Rodna ravnopravnost)

Izrazi koji se koriste u ovom Poslovníku, a imaju rodno značenje, koriste se neutralno i odnose se jednako na muški i ženski rod.

Član 4.

(Propisi)

Komisija provodi proceduru izbora u akademsko zvanje u skladu sa Zakonom o visokom obrazovanju Kantona Sarajevo (u daljem tekstu: zakon), Statutom Univerziteta u Sarajevu (u daljem tekstu: statut), Konkursom za izbor u akademsko zvanje na Univerzitetu u Sarajevu - Šumarskom fakultetu raspisanom 7. 6. 2024. godine (u daljem tekstu: konkurs) i Odlukom Vijeća Univerziteta u Sarajevu – Šumarskog fakulteta o imenovanju članova Komisije za izbor akademskog osoblja br. 01/6-2881/24 od 4. 7. 2024. godine (u daljem tekstu: odluka).

Član 5.

(Sastav Komisije)

- (1) Komisija se sastoji od tri člana (predsjednik i dva člana).
- (2) Administrativno-tehničke poslove za Komisiju obavlja sekretar Komisije.

II - NADLEŽNOSTI I NAČIN RADA KOMISIJE

Član 6.

(Uloga stručne službe Fakulteta)

- (1) Stručna služba članice obavezna je prije dostavljanja pristiglih prijava na konkurs komisiji za izbor u zvanja potvrditi u pisanoj formi, blagovremenost pristiglih prijava te naznačiti broj prijavljenih kandidata sa naznakom zvanja za koju se kandidat prijavljuje.
- (2) Na konstituirajućoj sjednici komisije stručna služba članice je dužna prisustvovati otvaranju pristiglih prijava i konstatirati njihovu potpunost (urednost) u skladu sa konkursom, o čemu stručna služba članice izdaje odgovarajuću potvrdu, koja čini sastavni dio izvještaja komisije.

Član 7.

(Nadležnosti Komisije)

- (1) Komisija iz člana 1. ovog Poslovnika, obavezna je da po primitku pristiglih prijava i dokumentacije:
 - a) pregleda sve pristigle prijave i dostavljene dokaze,
 - b) provede kvalitativnu analizu dokaza,
 - c) utvrdi da li univerzitetski stepen kandidata odgovara naučnoj oblasti: „Zaštita šuma i lovno gospodarenje“, i
 - d) provede bodovanje kandidata čije prijave na konkurs su blagovremene, uredne i odgovarajuće za naučnu oblast: „Zaštita šuma i lovno gospodarenje“.
- (2) O daljnjem procesu izbora, kandidati se mogu obavijestiti putem web stranice, pismeno, usmeno, elektronski ili putem telefona.
- (3) Komisija iz člana 1. ovog Poslovnika, obavezna je Vijeću Fakulteta dostaviti izvještaj s prijedlogom za izbor u zvanje u roku od 30 dana od dana imenovanja Komisije.

Član 8.

(Bodovanje kandidata)

- (1) Bodovanje kandidata se provodi u skladu sa smjernicama i kriterijima za način vrednovanja uvjeta za izbore u akademska zvanja (član 227. Statuta).
- (2) Kriteriji za vrednovanje izbora najboljeg kandidata u akademsko zvanje asistent za naučnu oblast: „Zaštita šuma i lovno gospodarenje“ su:
 - a. Broj ECTS bodova odgovarajućeg univerzitetskog stepena (član 112. Zakona),
 - b. Prosječna ocjena iz svih predmeta odgovarajućeg univerzitetskog stepena (član 112. zakona),
 - c. Prosječna ocjena iz predmeta koji pripadaju naučnoj oblasti: „Zaštita šuma i lovno gospodarenje“ – saradnička sposobnost (član 227. Statuta),
 - d. Doprinos kandidata procesu internacionalizacije – međunarodna mobilnost kandidata (član 227. Statuta), i
 - e. Društveni doprinos kandidata – priznanja i nagrade, učešća u odborima, volonterski rad, projekti, i popularizacija nauke i struke (radovi) (član 227. Statuta).

Član 9.

(Mjesto zasjedanja Komisije)

Mjesto zasjedanja Komisije je u prostorijama Univerziteta u Sarajevu – Šumarski fakultet, na adresi Zagrebačka br. 20, Sarajevo.

Član 10.

(Način rada Komisije)

- (1) Komisija je u svom radu nezavisna.
- (2) Komisija zasjeda u punom sastavu prilikom provođenja konkursne procedure: otvaranje prijava, razmatranje priložene dokumentacije, i bodovanje kandidata.
- (3) Izvještaj komisije s prijedlogom komisija donosi jednoglasno ili većinom glasova uz izdvojeno mišljenje jednog člana.

Član 11.

(Vođenje zapisnika)

- (1) O toku sjednica Komisije vodi se zapisnik.
- (2) Zapisnik sadrži datum, mjesto i vrijeme održavanja sjednice, osnovne podatke o toku sjednice, sažeto izlaganje, prijedloge i konstatacije, zaključke te prijedlog odluke Komisije.

IV- PRIJELAZNE I ZAVRŠNE ODREDBE

Član 12.

(Izmjene i dopune Poslovnika)




Izmjene i dopune ovog poslovnika vrše se na način i u postupku propisanom za njegovo donošenje.

Član 13.

(Stupanje na snagu)

Ovaj Poslovnik stupa na snagu danom donošenja i objavit će se na web stranici Univerziteta u Sarajevu - Šumarskog fakulteta.

KOMISIJA:

1. 
Prof. dr. Erik Trešić - predsjednik
2. 
Prof. dr. Mirza Dautbašić - član
3. 
Prof. dr. Osman Mujezinović - član

Broj: 01/1- 393 /24

Sarajevo, 19. 7. 2024. godine

